



Komunikadu Imprensa

Períodu : 8 Novembru 2012

Tribunál Distritál Dili kontinua halo julgamentu ba kazu violénsia doméstika

Iha 8 Novembru 2012 Tribunál Distritál Dili hala'ó julgamentu ba kazu ho Númeru Prosesu 0386/2011/TDDIL, iha tuku 16:30 loraik. Kazu ne'e involve arguidu ho inisial JdCS hasoru lezada ho inisial JH iha Comoro Pantai Kelapa.

Julgamentu prezide husi juíz singular Dra. Edite Palmira, Ministériu Públiku representa husi Dra. Angelina Joantina Saldanha no arguidu hetan defeza husi Dr. Manuel Exposto husi Eskritóriu Defensória Públiku.

JMSP kontinua louva no apresia autór judisiáriu tanba kontinua fó prioridade atu julga kazu krime ho natureza violénsia doméstika sira, no enkoraja tribunál hodi aplika pena ne'ebé adekuada no justu tuir nivel gravidade krime ne'ebe akontese haktuir Diretór Ezekutivu JSMP Luis de Oliveira Sampaio.

Bázeia ba akuzasaun husi Ministériu Públiku haktuir katak, iha 31 Janeiru 2011 arguidu halo asaun krime hasoru lezada iha tuku 02:00 kalan (madrugada). Arguidu tuku iha vítima nia rentos, matan, inus no tebe iha kotuk dala ida. Aktu ne'e kauza lezada hetan moras no halo tratamentu tradisionál iha uma deit.

Iha akuzasaun Ministériu Públiku akuza arguidu kontra artigu 145 Kódigu Penál konjugadu ho artigu 35 Lei Kontra Violénsia Doméstika. Iha julgamentu arguidu hili direitu silensiu tanba antes kazu ne'e halo ona prosesu konsiliaun entre parte rua ho familia sira.

Alegasaun Ministériu Públiku katak, bázeia faktus ne'ebé mensiona iha leten Ministériu Públiku husu ba tribunal atu aplika pena fulan 6 kadeia maibé suspende ba tinan 3. Husi parte defeza solisita ba tribunál atu aplika pena de admoestasaun ba arguidu kazu violénsia doméstika.

Julgamentu leitura sentensa sei kontinua ba 23 Novembru 2012 tuku 16:30 lorokraik.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883